

# PROGRAM SAHABAT GREENATION@UITM CPP ‘TAMAN RARECREATION & RELAXOLOGY’

DISEDIAKAN OLEH: HASLINDA ABDUL HAMID, NOOREZAL ATFYINNA MOHAMMED  
NAPIAH, WAN ZARINA WAN KAMARUDDIN

Pada September 2020, Universiti Teknologi MARA (UiTM) Cawangan Pulau Pinang telah menganjurkan program penghijauan (*greenation*) kampus yang disertai oleh semua fakulti, bahagian dan unit. Program yang dilancarkan di kampus Permatang Pauh ini ialah suatu usaha murni yang dicetuskan oleh Rektor UiTM Cawangan Pulau Pinang. Ini adalah satu usaha yang dilakukan untuk melestarikan dan menghijaukan seluruh kawasan kampus ke arah yang lebih mesra alam sekitar. Jabatan Sains Gunaan (JSG) turut tidak ketinggalan menyertai program ini apabila diamanahkan sebidang kecil tanah untuk ‘dihijaukan’ mengikut idea dan kreativiti tersendiri.

Kata sepakat warga JSG untuk membangunkan sebuah taman mini atau landskap Dataran JSG yang bertemakan “*Rarecreation & Relaxology*” ini mendorong kepada semangat kerjasama yang berterusan. Ini adalah bagi merealisasikan objektif projek yang telah digariskan iaitu antaranya ialah untuk:

- Mewujudkan satu kawasan untuk bersantai sambil melakukan aktiviti refleksologi kepada staf, pelajar dan pengunjung dari luar.
- Mencetuskan kesedaran celik info tentang apa yang ada di sekeliling kita.
- Memanfaatkan tenaga bersih, khususnya tenaga solar yang menjadi elemen pencahayaan dan penjimatan tenaga.
- Menyediakan informasi berkaitan latar belakang flora yang menghiasi landskap taman mini JSG dengan menggunakan sistem imbasan *QR Code*.

Seluruh warga JSG diketuai oleh Puan Rosni Md Salleh telah bersama-sama mencurahkan idea, menumpahkan keringat, mengembeling tenaga dan meluangkan masa bagi menjayakan projek penghijauan ini. Proses merekabentuk taman dan landskap yang tersusun, terancang, kreatif dan inovatif berjalan lancar hasil kesatuan hati warga JSG. Pokok frangipani berbunga merah yang ditanam di tengah-tengah Dataran JSG menjadi pusat tumpuan sementara pokok hiasan yang ditanam di sepanjang laluan pejalan kaki (*pathway*) pula menambahkan elemen

kehijauan yang ingin diterapkan di dalam projek ini. Dataran JSG yang menjadi ‘center piece’ taman mini ini turut dilengkapi laluan reflexology yang boleh dimanfaatkan oleh para pengunjung..



Beriadhah sambil menimba ilmu. Itu antara intipati kepada objektif taman JSG diwujudkan. Nama serta informasi berkaitan flora yang terdapat di taman JSG akan terpapar menerusi imbasan QR Code pada papan tanda tersedia. Meja dan kerusi taman menjadikan taman tersebut sesuai dijadikan tempat beristirehat dan bersantai serta mengulangkaji pelajaran.. Nyalaaan lampu solar pada waktu malam turut membangkitkan suasana ceria pada waktu malam .



Usaha mengimplementasikan amalan hijau ini berjaya dilaksanakan. Ia telah mewujudkan suasana yang ceria, persekitaran yang bersih dan segar, memupuk kesedaran dan kepentingan menjaga alam sekitar yang akhirnya memberi kesan positif kepada jasmani, rohani dan intelektual.

Akhir sekali, program penghijauan kampus ini berjaya mewujudkan suasana universiti dalam taman dengan menjadikan UiTM Cawangan Pulau Pinang sebagai kampus yang berharmoni dengan alam sekitar. Kesimpulannya, usaha-usaha yang dilakukan oleh seluruh tenaga kerja warga JSG telah menyumbang ke arah melestarikan dan menghijaukan kawasan UiTM Cawangan Pulau Pinang yang lebih mesra alam sekitar.

